



Krizni štab Ministarstva zdravstva, rada i socijalne politike Unsko-sanskog kantona


Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenje situacije i poduzimanje mjera radi sprječavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, u skladu sa poglavljem I. tačka 1. Naredbe Kriznog štaba Federalnog ministarstva zdravstva i tačkom 4. Zaključka Vlade Federacije BiH V. broj: 631/2021 donesenog na 263. sjednici održanoj 15.04.2021. godine, na 59. sjednici održanoj dana 16.04.2021.godine donio je sljedeće

ZAKLJUČKE

1. Povodom velikog broja zahtjeva pravnih lica (institucija, udruženja, privrednih društava, sindikata) upućenih ka Ministarstvu zdravstva, rada i socijalne politike USK-a, ZU Zavod za javno zdravstvo USK i ka kriznom štabu Ministarstva, kojim je traženo uvrštavanje određene kategorije stanovništva ili uposlenika na listu prioriteta za vakcinaciju protiv Covid-19 virusa, članovi Kriznog štaba su konstatali da nadležnost za donošenje Plana vakcinacije protiv Covid-19, te utvrđivanje prioriteta skupina za vakcinaciju, ima Stručno savjetodavno tijelo za imunizaciju obrazovano u Federalnom ministarstvu zdravstva, u skladu sa članom 64. Zakona o zaštiti stanovništva od zaraznih bolesti („Službene novine FBiH“ br. 29/2005). U skladu sa navedenim će se podnosiocima predmetnih zahtjeva uputiti odgovor sa informacijom o naprijed navedenoj nadležnosti.
2. Povodom upita stranih diplomatskih predstavništava u BiH o mogućnostima i načinu vakcinacije stranih državljana sa privremenim boravkom na području Unsko-sanskog kantona, ZU Zavod za javno zdravstvo će kontaktirati Federalno ministarstvo zdravstva te utvrditi način vakcinacije ovih lica.
3. Povodom upita privrednih subjekata iz oblasti ugostiteljstva o mogućnostima ublažavanja trenutno važećih higijensko-epidemioloških mjera, u smislu pomjeranja vremena od kojeg se stanovništvu ograničava kretanje te omogućavanja okupljanja većeg broja od 20 osoba na otvorenom prostoru, Krizni štab Ministarstva zdravstva, rada i socijalne politike USK cijeni trenutnu epidemiološku situaciju pogoršanom na području kantona, te ukazuje da je tačkom 4. Zaključka Vlade Federacije BiH donesenog na 263. sjednici održanoj 15.04.2021. godine naredeno vladama kantona u Federaciji BiH, odnosno kantonalnim kriznim štabovima ministarstava zdravstva, eventualno uvođenje restriktivnijih mjera od onih koje su propisane Naredbom Kriznog štaba Federalnog ministarstva zdravstva važećim za period 15.4.2021.-22.4.2021. godine, a kojima je kretanje stanovništva još uvijek ograničeno u vremenu od 21:00 sati uvečer do 5:00 sati ujutro narednog dana, kao što je dozvoljeno okupljanje ne više od 20 ljudi u zatvorenom prostoru i ne više od 20 ljudi na otvorenom prostoru.



Broj: 09-33-1555-8/21
Bihać, 16.04.2021. godine



Predsjednica Kriznog štaba MZRSP USK

dr. sci. prim. Nermira Čemalović s.r.

spec. medicine rada